

Corri corri o zitellina

Fratelli Vincenti

<https://youtu.be/iYNxbC6hawE>



Maestro di Canti - A Manna

La mineur

Cum'elli sò belli l'anni,
Verdicenti è spenserati
Hanu un nome hè zitellina,
Bellu cum'è cardellina

Elli ancu senza chjamassi,
Piglianu listessi chjassi
Sanu chì per campà un'ora
Ci vole à passalla fora,

Fora ci sò tutte ripe,
À barca cum'è scaroni
Ci hè u fiume cù l'anguille
Un ortu pien'à miloni

Per finisce la ghjurnata
Ch'ùn hè mai straziata
Ci hè sempre ind'è calchi chjosu
Un sumere laziosu

**Corri corri o zitellina,
Corri ùn ti lascia piglià,
Fà cume a cardellina,
In gabbia ùn ci vole à stà.
Corri corri o zitellina,
L'amore t'hà da piglià,
Di ghitarra è mandulina,
O cum'ellu sà ghjucà.**

Cum'elli sò belli l'anni,
Chì si sveglianu stunati,
Si sente cum'è una pena,
Ch'elli volenu catena.

Ùn la diceranu à nimu,
Ancu sceltu u so camminu
Oramai sò sicuri,
D'esse di core maturi.

Zuccati nantu à le porte
Di legnu anticu u più forte
Nomi chì vanu per coppii
Quantu ci n'hè micca rotti

Pochi pochi ma sò mucche
Chì fanu spuntà una luce
È una canzona argentina
Cum'è tutta a zitellina

**Corri corri o zitellina,
Corri ùn ti lascia piglià,
Fà cume a cardellina,
In gabbia ùn ci vole à stà.
Corri corri o zitellina,
L'amore t'hà da piglià,
Di ghitarra è mandulina,
O cum'ellu sà ghjucà.**